



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

24. april 2012

J.nr.:

01.31.06/12-00576

Aningaasaqarnermut Naalakkersuisoq

Aningaasaqarnermut Akileraartarnermullu Ataatsimiititaliap suliaq nr. 01.31.06/12-00576 pillugu aalajangiineranik Naalakkersuisunut ilisimatitsineq.

Konto pingaarnermut 72.10.16-imut, Inissiat attartortittakkat ingerlanneqarneranni aningaasaliissutinit iluanaarutinit tunngasumut, oqaasertaliussap erseqqissarnera

Naalakkersuisut **inassutigaa**,

- konto pingaarnermut 72.10.16-imut, Inissiat attartortittakkat ingerlanneqarneranni aningaasaliissutinit iluanaarutinit tunngasumut, oqaasertaliussaq nr. 2 ilanngussaq 1 naapertorlugu allanngortinneqassasoq.

Aningaasaqarnermut Ataatsimiititaliap oqaaseqaatai

Kontomut pingaarnermut 72.10.16-imut, Inissiat attartortittakkat ingerlanneqarneranni aningaasaliissutinit iluanaarutinit tunngasumut, oqaasertaliussat matuma kinguliani allassimasutut allanngortinneqarnissaat akuereqqullugu Naalakkersuisut Aningaasaqarnermut Ataatsimiititaliamut qinnutigaat:

Kantomut pingaarnermut oqaasertaliussamut 2012-imi aningaasanut inatsimmi ilanngunneqareersumut sanilliullugu oqaasertat ataatigut titakkat allannguutaapput.

”Nr. 2.

Inissiaq Kalaallit Nunaanni Namminersorlutik Oqartussanit imaluunniit kommunimit pigineqartoq inissiatut nammineq pigisanut allanngortinneqarpatt aggulunneqarlunilu, ineqartut sinneruttut agguinermi piginnittunngunngitsut ineqarnermut akiliutisaat imatut aalajangersarneqassapput:

- *Allaffissornermut akileeqataassutit 5.000 koruunit ukiumut*
- *Inissiap tunniunneqarnerani akiata 1,5 %-iinig aningaasaliissutinit pissarsiat, kiisalu*
- *Ingerlatsinermit, aserfallatsaaliinermit unerartitanullu ukiumut kvadratmeterimut 495 koruuninik aalajangersimasumik akileeqataassutit.*

Attartukkat taakku nuna tamakkerlugu najugaqarfimmuut ataatsimut, attartortut sinnerinit, agguinermi piginnittunngorsimannngitsunit ilaaffigineqartumut katersorneqassapput.

Kantomut pingaarnermut 72.10.16 Inissianik attartortittakkanik ingerlatsineq, aningaasaatinit iluanaarutit, oqaasertaliussaq nr. 2-mut nassuiaat imatut allanngortinneqassaaq:

”Nr. 2.

Oqaasertaliussami allaaserineqarpoq qanoq iliorluni ineqarnermut akiliutit attartortunut inissiamik attartukkaminik nammineerlutik pigisassamittut

tiguserusunngitsunut kisiannili attartortutut inissiami najugaqaannarusuttunut naatsorsorneqartarnersut. Ineqarnermut akiliutit nutaat annertussusilerikkani aningaasannorlugit naatsorsorneqartassapput. Naatsorsueriaaseq aalajangersarneqarpoq assigiiaartumik pisariitsumillu ineqarnermut akiliutissat naatsorsorneqartarnissaat qulakkeerniarlugu. Taamaalilluni oqimaaqatigiissitsilluni attartornermut akiliutit taaneqartartoq atorunnaarsinneqarpoq, taamatullu nuna tamakkerlugu najugaqarfimmik pilersitsisoqarluni.

Oqaasertaliussat allanngortilaarlugit AI 2011-miit ingerlateqqinneqarput.”

Oqaasertaliussaq aqutugalugu attartortitsisarnermut peqqussummi aalajangersakkat arlallit ilaasussaajunnaarsinneqarnerat Aningaasaqarnermut Ataatsimiititaliamit oqaatigineqassaaq, tamannali oqaasertaliussamut nassuiaammi naammattumik erseqqissarneqanngilaq. Attartortitsisarnermut peqqussummi § 24a, imm. 3-mi, § 25, imm. 1-imi, § 28, imm. 1-2-mi aamma § 30, imm. 1-imi aalajangersakkat ataatsimiititaliamit immikkut eqqarsaatigineqarput. Oqaasertaliussaq nassuiaatitaalu aningaasanut inatsisissatut siunnersuutissami ilanngunneqassasut qinnutigineqalersaarpat amigaat taanna aaqqinneqassaaq.

Tamatuma saniatigut isummernissamut tunngavissiaq attuumassutilittut isigineqartariaqartunut tusarniaassutigineqarsimanngimmat eqqumiiginarpoq.

1. Oqaasertaliussaq, taassuma kingunerisinnaasai kiisalu pitsaanngequtigisinnaasai pillugit allakkatigut naliliinermik Inissiaatileqatigiiffik A/S INI-mit, attartortut peqatigiiffiannit pilersinneqaaqqammersumit (ingerlalersimappat) kiisalu Naalakkersuisut inatsisinut allaffeqarfianit pissarsiniaqqullugit Naalakkersuisut ataatsimiititaliamit qinnuigineqarput. Oqaasertaliussap 2013-imut aningaasanut inatsisissatut siunnersuummi ingerlateqqinneqarnissaa qinnutigineqassamaartoq Naalakkersuisunit oqaatigineqarmat tamanna naapertuuttutut ataatsimiititaliamit isigineqarpoq. Atortussat, Naalakkersuisut oqaaseqaataannik ilaqartinneqarsinnaasut, Aningaasaqarnermut Ataatsimiititaliamut nassiunneqassapput.

Oqaasertaliussap innuttaasunut kingunerisassai pitsaanerusumik paasisutissiissutigineqartariaqartut ataatsimiititaliaq isumaqarpoq.

2. Oqaasertaliussap (2012-imi aningaasanut inatsimmi ilanngunneqarnermisut iluseqartup) aningaasatigut allatigullu kingunerisinnaasaasa paasisitsiniutigineqarnissaat siunertarlugu innuttaasunut inissiani attartortittakkani, inissiatut nammineq pigisatut ilaannakuusumik allanngortinneqartuni, najugaqartunut iliuusissat qanoq ittut Naalakkersuisunit ingerlanneqarpat imaluunniit ingerlatilersarneqarpat?
3. Najugaqartut oqartussaaqataanerat pillugu aalajangersakkanut attartortitsinermut peqqussummi ilanngunneqartunut sanilliullugu illuutinit nammineq pigisatut ilaannakuusumik allanngortinneqartunit “attartortut sinneruttut” najugaqatigiiffimmuut ataatsimut ataatsimoortinneqarnissaannik oqaasertaliussami aalajangersagaq qanoq sunniuteqarpa? Oqaasertaliussaq malillugu najugaqatigiiffik nuna tamakkerlugu siammarsimasinnaappat ilaatigut takujuminaappoq attartortitsisarnermut peqqummi § 25, imm. 2-mi aalajangersagaq qanoq malitsinneqarsinnaassanersoq, taannami malillugu najugaqatigiiffimmi attartortut najugaqatigiiffimmi ataatsimiititsinermi najugaqatigiiffimmi siulersuisussanik sunniuteqaqataasussanik qinersisinnaapput.

Inissiat ilaannik nammineq pigisatut allannortitsisoqarsimatillugu ilaqutariinnut arlalinnut illuni attartortut, ilaannakuusumik allannortitsinerup nassatarisaanik, ineqarnermut akiliutaannik qaffaaneq oqaasertaliussap, AI 2012-mi ilaareersup, kingunerissanngikkaa imaaliiallaannaq oqaatigineqarsinnaasorinangilaq. Taamaattoqarsinnaassaarmi allaffissornermut aammalu ingerlatsinermut aserfallatsaaliinermullu akileeqaassutit oqaasertaliussami allassimasut inissianik nammineq pigisatut ilaannakuusumik allannortitsineq *sioqqullugu* akinit atuuttunit qaffasinneruppata.

Oqaasertaliussatigut inatsisinut atuuttunut ilaajunnaarsitsigallartoqarsinnaanera nalinginnaasutut isigineqartarpoq, taamaattorli minnerunngitsumik aningaasaliissutinut attuumassuteqanngitsumik oqaasertaliussat aqutigalugit iluarsinerit pinngitsoortinniartariaqarput. Taamatuttaaq innuttaasut artukkerneqarnerat tamatuma sunniutigissappagu oqaasertaliussat aqutigalugit inatsisinik iluarsissutit aamma pinngitsoortinneqartariaqarput, oqaasertaliussaq taamaattoq Inatsisartut inatsisaanni nalinginnaasumi erseqqissumik tunngavissaatinneqareersimanngippat Inatsisartunilluunniit akuersissutigineqareersimanngippat, soorlu siunertamut kontomut 24.10-mut, toqqaannartumik akileraarutinut tunngasumut, oqaasertaliussaq nr. 1 aamma 2 eqqarsaatigalugit taamaattoq. Oqaasertaliussani taaneqartuni akileraarutinut procenterititassat aalajangersarneqartarput. Taanna malillugu oqaasertaliussat innuttaasunut artukkiisut ilassutit aningaasaliissutit aqutigalugit aningaasanut inatsimmut ilanngunneqartariaqanngillat, tamanna inatsimmi Inatsisartunit nalinginnaasumik akuersissutigineqartumi erseqqissumik aalajangersarneqarsimanngippat.

4. Siuliani allassimasut naapertorlugit innuttaasut ilaannut oqaasertaliussaq qinnuteqaammi matumani pineqartoq (AI 2012-imi allassimareernermissut) artukkiisimasinnaanera artukkiisinnaaneraluunniit Naalackersuisut *tamakkiisumik* eqqunnginnerarsinnaavaat? Taamaanngippat tamanna qanoq isumaliutiginninnermik iliuuseqarnermillu kinguneqarsimava?
5. Ilaqutariinnut arlalinnut illumi inissianik nammineq pigisatut ilaannakuusumik allannguinerup siorna kingornalu ineqarnermut akiliutinik takutitsisumik naatsorsuineq nassiteqqullugu Naalackersuisut ataatsimiititaliamit qinnuigineqarput.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni inassuteqaatit Aningaasaqarnermut Ataatsimiititaliamit **akuersissutigineqarput**. Apeqqutinut siuliani allassimasunut Naalackersuisut akissutaat kalaallisut danskisullu sapinngisamik piaarnerpaamik nassiteqquneqarput assileneqarnerallu qarasaasiakkut uunga nassiunneqarluni: nch@ina.gl.

Aningaasaqarnermut Ataatsimiititaliaq sinnerlugu

Andreas Uldum
Siulittaasoq